



DIG 135

17666

I

Mag. St. Dr.

P

Katholik

in Carolus
censis

Carolus Simonis: Oratio in obitu
magnanimi herois d. Jo. Caroli Chodkiewiczii.

PANEG. et VITAE

Polon. 4^a.N^o. 101.

SIMONIS STAROWOLSCI

ORATIO

In Obitum,

MAGNANIMI HEROIS,
D. IO. CAROLI CHODKIEVICI
Comitis in Szklow, Myfza, & Bychow.

PALATINI VILNENSIS,
Derpatensis, Lubosanensis, Veloneñ. &c.

CAPITANEI:

Supremi Magni Ducatus Lithuaniae, & ad
bellum Turcicum, Regni Poloniae

EXERCITVVM GENERALIS

nec non terrae Livoniae

GVBERNATORIS.



CRACOVIAE,

*In Officina Typogr. Matthiae Andreouiensis,
Anno Domini 1622.*

Biblioteka Jagiellońska



stdr0003250



Achrimas in mortuum producere,
 ILLUSTR: PRINCIPES mei, & CI-
 VES Patrię Nobilissimi, ipsa quãuis
 suadeat pietas, iubeat natura,
 incitet religio; speciali attamen
 quodam afficimur dolore & moestitia, prosequi-
 murq; singultibus & moerore, obitus talium viro-
 rum, qui nobis aliquando, qui Patrię vniuersę, qui
 omnibus denique Christiani orbis incolis vtilis
 fuere. Nam si, quod priuatis tantum nobis commo-
 dabat, desiisse graue damnum est; quod spes no-
 stras frustraerit, & aliò tristes diuertere adegerit,
 quantò censendum est illud, quod nuper fontis ad-
 instar, imò fluminis adinstar videbatur in omnium
 vtilitates ebullire, ac effluere abundè, & iam iam
 videas exaruisse totum, ac defecisse ipsum? Iam
 autem bonum de natura sua tale est, vt, quo maius
 in seipsum alicubi reperitur, eo quoque pluribus
 modis, & ad plurium commodum fit extensum ac
 diffusium: Sed heu sortem nostrā peracerbā; diffu-
 sium istud, quia participatiuè tantum nobis inest,
 effusium simul & corruptibile est, & quod cum
 vita humana cito euanescit: perpetuum autem ni-
 hil, nisi in eo, à quo hæc nostra omnia, & soli illi
æternitas

æternitas. Nos ex quo nati sumus, non dicam mori possumus, sed morimur: & omnis hora, omne momentum, ad metam illam ducit, quæ omnibus quidem aliis est alia, si tempus spectes, si verò finem, eadem; & cui nasci in hoc mundo contigit, restat & mori. Contigit quoq; hoc ipsum nuper & Carolo Chodkieuicio, Comiti inter Lithuaniae Satrapas excelsarum virtutum, & cui comites illæ, non attulere sanè defuncto illi mortem, sed cessationem tantum vitæ; imo aditum fecere, ad illam æternam beatam, & cui vni vita hæc viuit. Nam quomodo ille mori potest, aut interire, quem sua præstans, & planè Heroica virtus immortalè fecit, & probitas, constantia, pietas, per æthera & gentes vagatæ, cælum intulerunt, vt fiducia esse debeat, receptum eum ad beatas sedes, in quibus diuina fruitur visione, id est omni fælicitate: quiq; idem, vitæ & morum perpetua bonitate, quamuis ad vltimam iam penè venerat ætatem, meruerat votis nostris, vel in sermonibus diutiùs superesse. Atq; vtinam superfuisset nobis, nec Patriam vniuersam reliquisset in tantò mœrore & luctu; sed quia Deo decretum aliter qui auocauit, & è turbis curisq; eductum collocavit in quæta illa sede, vbi nunc securus miseras nostras speculatur; ideo defunctum illum, orbatum tali Imperatore, & propugnatore Patriæ tanto, lugemus

3
gemus quasi iuuenem ereptum; eò magis verò, quod post Magnum illum Samoscium, non fuerit in Polonia nostra & vulgo carius aut venerabilius nomen, & temporibus hisce turbulentis, ad frangendam Turcicæ immanitatis potentiam (absit inuidia dicto) generosioris spiritus Ductor, maiorisq; prudentiæ Imperator. Cuius ego viri laudes, ac penè diuinas virtutes, statui oratione mea, non tam in auribus quam in oculis vestris ô Poloni mei collocare, non quòd arbitrer eas, meæ ditionis finibus includi posse, quæ disertissimorum virorum calamo perstrictæ, totius iam orbis oras longè latèq; sunt peruagatæ, sed vt à recenti Fato illius incitem vos ad similes virtutes, & recentem animi generositatem. Quod equidem ipsum dum nullo flore, aut gemma artis orationi meæ intermixta facio, spero me à vestra omnium æquitate, vel ipsius defuncti gratia impetraturum, vt ad eam audiendam faciles aures, sitientesq; afferatis.

Vitam Principis calamo perstringere, aut docta oratione virtutes eius extollere, nemini credo vestrum ô Poloni mei, dubium est, quàm sit difficile; siquidem in talibus aliud fere vulgus, aliud viri docti, aliud Principes amant; cauteq; custodiendum est, ne aut breuitas obscura illis, aut diffusio

B

fusio molesta istis, aut denique modus & tractatio, utrisque, phrasis verò elegantia, & dictionis venustas, displiceat omnibus. Silere è contra, & taciturnitatis obliuione, defuncti alicuius Megistanis. excelsas virtutes offuscare, quàm sit iniurium & indecorum, quàm barbarum & turpe, barbaro etiam cuique & stupidissimo est manifestum; cū liquidò constet, laudem mortuorum esse, quoddam quasi semen, quo viuorum virtus haberet vel succum quo vigeret, vel vim, qua æternum viueret, ut scitè Philosophus quodam in loco dixit. Sciteq; gentes vniuersæ in eorum laude, tanquam semente virtutis spargenda, extruunt pyramides alijs, alijs figunt obeliscos, nonnullis texunt panægyricos, aut pompas instituunt, aut demum faces accendunt, ut videatur loqui, non tam cadauer mortem, quàm triumphus vitam. Maximè autem prisca illi Athenienses hac in parte religiosi fuere, nimisque anxie apud se custodiere, ne miles aliquis in acie occisus, illaudatus sepulturæ mandaretur, sed prius à Duce belli, ornatus elogiis in corona exercitus, suis commilitonibus, imò posthumantibus omnibus, propugnandæ Patriæ proponeretur exemplum. Ducem verò ipsum si cum fortè in acie aut bello occumbere contigisset (nam domi defunctum alius mos laudationis prosequèbatur) laudabat ille, qui vel

maximus

4
maximus habebatur in Patria honore, vel doctissimus inter ciues, & rotundo ore. Cadauer autem ipsum, ad tumulum usque, sequebantur cum Senatu cohortes militum vniuersæ, & cypso cum pompa inclusum, Epitaphio decorabant pro meritis honorificentissimo, atque statua desuper affabre constructa, ut virtutis suæ non in auribus tantum, verum in oculis quoque esset apud posteros perpetuum monumentum. Idem mutuatum ab illis obseruarunt & veteres illi Romani, apud quos eà ob causam præcipuè celebria illa Rostra instituta fuere. Idem postea secutæ & Christianæ gentes vniuersæ; dissimili quamuis genere ceremoniarum, simili atamen laudationis. Quæ licet Rhetoribus omnibus in scribenda panegyri sit communis, ut maximam rationem generis habendam esse censeant; ego tamen putarem, lituram me inspersurum & labem virtuti Caroli nostri, si ei ex gente laudem emedicarem, & Patris Auique nomina, tanquam extrema pigmenta adpingerem; nam hi Carolo nostro dederunt, ut sit sanguine nobilis, à Carolo autem acceperunt, ut audiant Heróes & fama illustres; licet & ipsi dignitate Senatoria, bellicisque laudibus fuerint clari. Nam auus suus Vilnensis Castellani titulum gesserat, Pater vero Samogitiæ Toparcha fuerat: ille Tartaris cæsis, iste Liouonibus profligatis, vterque

B 2
vero Mo-

ero Moscho toties oppresso clarus in patria sua.
Quid patruī, auunculi, aui materni, atque alij co-
gnati sui? Omnes Palatini, omnes Castellani, di-
strictuum Præfecti, aut arcium Capitanei fuere, &
singuli singulis Senatoriæ dignitatis titulis insigniti.
Vnde non est mirum, & nostrum quoque Carolum
à tali arbore, tam felicem & florentem virtute atque
honoribus ramum fuisse. Cuius vitam, mores, res
præclare gestas, orationis nitore satis terſo, ingenij-
que acumine planè diuino, cum ab alijs illustratas
ſciam, non ero minutus in eius extrema pueritia,
educatione liberali, indole pulchra, & moribus
Heroicis describendis. Vnam modo tangam pe-
regrinationem illius, cum ætate adultior, oras
Christianas quasuis, & populos politiores obijſſet
præcipuè Italiæ vrbes, in quibus id totum contine-
tur, quicquid elegantiarum in toto alio orbe repe-
ritur: quod ipsum fecit, non vt hauriret voluprates
liquidius, sed vt ad Patriæ commodum prudentiæ
fructus colligeret vberius; maximè militaris calli-
ditatis & artis, cum probe intelligeret, poſſe Troiæ,
id est domi naſci Hectores, sed non poſſe niſi foris
ſieri Uliſſes. Atque idcirco libatis tantum aut modo
in limine ſalutatis amœnioribus locis illis Melitæ
potius inter ſacræ militiæ profeſſores commorari
maluit, quam inter Sybaritas aliquos deliteſcere
aut le-

5
aut lenocinari. Inde in Gallias illas feroces, & ex
antiquo bellica virtute inclytos Belgas proſectus,
generoſiores quodammodo Spiritus ab aſpectu &
aſſatu illuſtrium illorum Ducum, Albani, Parmenſis,
Auraici, Mauricij, concepit: atque mox nauali ar-
te illuſtres Luſitanos, ductandis Ordinibus præſtā-
tes Anglos, iaculandi peritia celebres Scotos, atque
metandis caſtris, expugnandiſque vrbibus, toti or-
bi notos Hiſpanos adiit: atque iterum Patria ac
parentibus reuiſis, fortes in acie Hungaros, & infra-
ctos bellorum aſidua mole Germanos. A quibus
ſingulis, vt linguae peritiā, quantum ſatis fuerat,
didicerat, ita ſingulas virtutes tanquā gemmas præ-
tioſiſſimas in uſum & commodum Patriæ ſuæ aſpor-
tārat: & ab Italis prudentiam, ab Hiſpanis proui-
dentiam, à Gallis facilitatem, ab Anglis iu-
dicandi modum, à Germanis autem grauitatem di-
dicerat. Quæ ſingula, priuſquam in Magiſtratu ve-
lut ſpecula poſitus, ſuis ciuibus declaraffet, haud
ingloriū virtutis ſpecimen exhibuit, in bello olim
Valachico, contra animoſum illum bellatorem Mi-
chaelem Moldauiae Vaiuodam, ſub magno militie
Magiſtro Io. Zamofcio, aliquot lectiſſimas cohor-
tes, cum fratre Alexandro, ductando. Quod ipſum
credo fecit ei gradum ad maiores dignitates in Pa-
tria, & gratiam Principis, qui ſcius regnandi & pru-
dens,

dens, duces belli non forte aut ambitione, sed virtute eligere consuevit, quod omnis omnium spes in Rep. à talibus illis pendeat. Idcirco & Carolum nostrum prudentem, & iudicio iam maturum, Cæpestrem magni Ducatus Lithuanix, Ducem, ab eo tempore renunciauit, & industrio illi Duci Nicolao Radiuillo, supremo exercituum Generali, collegam adiunxit, vt cum prudenti illo & longa tractatione armorum edocto, accurata pariter, & vegeta consilia profligandi hostis faceret, qui ferox tum & elatus Regno Sueciæ per fraudem & dolum Regi nostro hæreditario successori erepto, etiam Liunionæ transmarinas oras, per vim inuadere ausus est. Itaque Polemarchus renunciatus, Præfecturisque Lubosanensi atque Velonen. ornatus, suscepit lubens iniunctum sibi onus quo præclaram Familiæ suæ dignitatē tuebatur, inueniebatq; noua arte modos, quibus sibi, vt ex autoritate timorem, sic ex autoritatis vsu apud ciues & milites conciliaret amorem. Nāq; sciebat gloriosum esse patriæ prodesse, cuius amore, atq; famæ, fecit vti decuit, & tullit vti debuit, ea omnia libens, quæ fieri à viro bono & forti ac prudētī Imperatore aliquis exoptasset. Et quantā in arduis rebus obeundis animi magnitudinem, quantam in Liunia tuenda industriam quantāq; in consilio capiēdo prudentiam semper præ se

6
præ se tulerit, vel illa sola post alias pugnā, quā Supremus post obitum Ducis Radiuilli, exercituum Generalis, & Samogitiæ Toparcha renunciatus, cum Carolo Sudermano ad Kircholmum commiserat, ita loquitur, vt illo die, non tam cum hostibus felicissimè collata signa esse dicātur, quā suæ in Deum pietatis, & Dei in illum amoris, toti orbi clarissima sublata signa esse putentur. Quid ad Volmariam, Reualiam, Dunamundum, Cochenhausum, Rigam, atque alias Dynastyæ illius vrbes, aut arces, iisdem hostibus, terra mariq; superatis & profligatis? Quid pacato Curlandiæ Ducatu, euersisq; conatibus rebellium? Quid sedato ciuili tumultus furore, retardatisq; seditiosorum in piam optimorum congregationem nefariis conatibus? Nam cum in rebus humanis illud maximum sit, æquis partibus cum hostibus conferta manu dimicare, quanta illius felicitas, imò audacia & fortitudo dicetur, qui semper minore manu vincere consueuerat, qui cum tribus aut quatuor millibus suorum, numerosissimis etiam hostiū exercitibus sese opponere non dubitabat: atq; ita procedebat, contra quosuis Suedici illius Tyranni conatus, vt breui omnibus illius viribus attritis & profligatis, videremus Liunioniam. Gotticis illis manibus miserè dilaceratā, & pestifero Lutheri exhausto veneno penè extinctam

cinctam, iterum septis Lithuaniae inclusam, in eius
gremio tanquam in portu delituisse. Huc huc enim
spectabant illius cogitationes, huc studia, huc curae
ut quam laudem maiores sui, in tuenda Satrapia
illa à crudelitate Mosci obtinuerant, eam ille à Su-
dermani Ducis tyrannide vindicatam, non solum
nobis integram conseruaret, sed fartam etiam te-
ctamq; transmitteret usq; ad posteros. Igitur auctus
pro meritis à Rege Derpatensi Praefectura, atq; pau-
lo post, sublato è viuis Illustri illo Duce Radiullo,
Hierosolymitana peregrinatione claro, Vilnensis
Palatini titulo, atq; terrae Liuaniae Gubernatoris,
decoratus, & si in tota sua vita, omnia ea fortitudi-
ne gesserit, & ea prudentia digesserit, ut non tam
vitae, quam gloriae confecisse curriculum videatur;
singulari quodam attamen modo, suam in re belli-
ca industriam exhibuit, defenso toties Smolensco
à numerosissimis Moscorum obsidentium viribus, vix
aliquot cohortibus suorum; deuastatoq; vniuerso
fere Imperio illorum ita, ut cum Serenissimum Prin-
cipem Wladislaum ad oppugnandam Metropolim
eorum capiendumq; principatum vniuersum, de-
duceret, pacem quam toties filii suae potentiae per-
fidi violauerant, redimere tractu Cerniechouiensi,
& Seueriensi Ducatu, vix tentata fortuna cogeren-
tur, nobis verò Carolum, imò Europeis omnibus;
virum

7
virum multi vsus, summi Iudicii, ac pacis belliq; ar-
tibus equipotentem ex eo declararent, magis autem
quod vtraq; haec simul, rarenter in vnum coinci-
dat; & enituit aliquis in bello, sed obsoleuit in pa-
ce; alium toga, sed non & arma honestarunt. At
Comiti nostro Chodkieuicio, ex vtroque vna lau-
dum & fame gloriosus contigit concentus, & quae
alios diuisa beatos fecerunt, nostro collecta obue-
nerunt. Quod sane ipsum eò magis in eo eluxit,
cum Turcicus Caesar, cesis cum Duce Zolkieui
anno superiore in Valachia nostris, bellum nobis,
omnium quae post natos homines gesta sunt, odio
immanissimum, re maximum, euentu periculosissi-
mum, nulla prouocatus iniuria indixisset, immi-
sissetq; in Podoliam & Russiae terras tot myriadas
Scytharum deuastantium cuncta, qui excursionem
miserabilem in modum Leopolim Socaliam & Pre-
mislum usq; facta, heu dolor innumerabiles homi-
num nostrorum veluti pecorum greges, deduxe-
runt in seruitutem, quantam nullae hactenus litte-
rae Graecae illae aut Latinae expresserint grauiorem:
verteruntq; in circumiacenti vicinia passim Chri-
sti templa in stabula, altaria in praesepta, loca Deo
dicata in fœdæ libidinis propudia, omnia sacra in
profana. Cum inquam ad tale bellum propulsan-
dum, vlciscendasq; iniurias tantas, ac frangendam
C potentiam

potentiam, quam Asia & Africa, imò Europæ quo-
que pars penè bona vix, ac ne vix terminauit, Dux
inter nos quæreretur, non alius inueniri potuit, qui
meliùs & Stratagēmate Turcam, & viribus Partum
frangere sciret & debilitare, quàm Carolus noster
Chodkieuicius, ille ille animorum plenus, & non
moralium modò Heroicarumq; virtutum suarum
constans, sed pie Catholicus etiam, & ad conteren-
dos impuros ac impios Musulmanos deuotus & re-
ligiosus Princeps & cui ita fidenti, sēper in pericu-
lis Numen astititit propitium. Iam autem numinis
fauor, hominum robore longè potior est: & con-
scientia Principis bona, non spes modò exercitibus
ad vincendum alit, verum etiam illis maximum de-
cus parit. Cum ergo esset Carolus noster, & etate
prouectior, & canicie venerandus, & sanguine no-
bilis, & armorum peritissimus, ad bellum Tur-
cicum, à Serenissimo Rege nostro, quemadmo-
dum olim Theodosius ad bellum Africanum ab
Imperatore Valentiniano, ab omnibus populi
nostri ordinibus, & toto Senatu vnanimiter
fuit electus: quam electionem, quamuis contra pa-
triæ leges aut consuetudines facta fuerit, quæ prohi-
bent omnino Polonum in Lithuania, Lithua-
num verò in Polonia, honores quosuis ambire;
nihilominus & ipse gratam, & vniuersa Regni no-
bilitas

8
bilitas ratam habuit; quia arduam necessitatem
vidit. Sed prouidit & ipse difficultatem, vti in re
noua & graui, idq; ipsum clariori certè acie vidit,
quàm qui Magistratus refugiunt: ita tamen totus
ardebat patriæ amore, vt huius difficultatis, volue-
rit potius subire periculum, quàm subterfugere o-
nus; malueritq; videri magnanimus, dum in seni-
li etate, & iam fatisciente, scintillam generosi spiri-
tus declararet, quàm dum sequeretur torpidum sen-
sus motum, abiectus & vilis. Itaque valetudinari-
us licet, in castra ramen venit, exercitus iustra-
uit, Tyram traiecit, atq; eductis alacriter in aciem
suis copiis, Osmanum Cæsarem, cum Tauricano
Principe Geta, & infinita multitudine Othomani-
genarum venientem, lætus expectauit, primumq;
cum eo prælio feliciter commisit adeò, vt loco e-
tiam tum cesserint crudeles illi & impuri Macho-
metani, nec aperto in posterum Marte, aut de sum-
ma belli decertare ausi fuerint. Fecit idem sæpius,
quamuis morbo ingrauescente, totus iam langui-
dus & imbecillus, ad prælium nihilominus Domini
accinctus, & illius ipsius gratia ultra solitum
vegetus qui iam iam moribundus videbatur, con-
tra gentes illas ferociter insurgentes, arma occepit,
& contra pecudem illam Asianam Deo rebellem &
contumacem, castra tum nostra summa vi oppugnā-
tem co-

rem copias eduxit, celeriter instruxit, & sole in vesperam inclinato, quatuor modo cum signis suorum cum hoste conflixit, quem & profligauit. Sed heu fortunæ inconstantiam, & nostrum in tanta felicitate infortuniū: vexilliferum & aquilam in eo prælio amisit, seu veriùs pennam aquilæ Aquilonis: nā Regni Polonici nostri, alba aquila, insigne est, illius autem signum ala aquilæ nigræ fuit, quæ volabat velociter, per æthera & gentes famā Regis sui propagando; quæ peruolabat Tirionem, Moscorum crudelitati, Suecorum furori, & Turcarum immanitati sese obijciendo; & quæ subuolabat cælum, alta cogitando semper, magnifica faciendo, & omnes actiones suas in perpetuitatis finem, velut aquila radios oculorum suorum, in solem ferenum, dirigendo. Quod ipsum, viuentē adhuc ipso, loquebatur fama per orbem vniuersum sparsa, loquebatur pectus instructum à prudētia, loquebatur demum ingenij & iudicij oculus purus & acer, quod statim vno obtutu videbat in alicuius & vultu quod amaret, & oratione quod reprehenderet, vt æquē eius inde & amaretur mansuetudo, & timeretur seueritas; si tamen seueritas possit dici, corruptæ castorum disciplinæ instauratio, qui aliās natura humanissimus erat; verum quoties in publicum exhibat, explicuerat quæ frontem, manum, vocem, semper te-

9
per tēxerat animum, edoctus à Georgio Basta, atq; Comite de Mansfelt, Germanici in Hungaria exercitus contra eundem Turcam, Ducibus; vt facile quisque peccans intelligeret se correctum, non despectum, & ipsum finxisse non exeruisse iram. Vidimus itaque ipsum in puniendo iudicem, non vindicem, censorem, non tyrannum, & certē omnia perfectum; si, quam tonante voce peccantes puniebat, tam facili aure, audiret purgantes. Sed ô imbecillitatem: ô spes nostras fallaces: quis harum virtutum cursum, huius cursus vitam, huius vitæ filum abruptit medium, illi tam cito, nobis tam infelicitē, vt cū maximē nobis Duce opus esset, Dux nobis Carolus necessitate succumberet Fatali; dum ad persequendum hostem, prosequendamque victoriam, viris fortibus & industrijs qui incitarent & præirent, maximē indigeremus, ille vnicus noster, ex omnibus Regni proceribus ad id electus, Parcis inuidentibus occumberet. Cuius equidem intempestiui obitus, non principalis modò planetæ defectus in cælo signum fuit, sed in terris quoque, amissum in vltimo illo certamine ipsius signum, certissimum prælagium, quo vt omine malo generosus ille spiritus, & nusquam vinci suetus, ab illo die percussus, mox in grauiorem incidit morbum, rebusque suis vti virum prudentem decuit, pulchrē ac pru-

ac prudenter dispositis, & Sacramentis Christianis ritu solemniter perceptis, spiritum in arcem Hotimensem delatus sensim emisit, & à quo eum habuit, eidem Deo cōmisit. In arcem inquā quæ cum aliorū multorum Ducum labores consumpsisset, multorum Hercum mortes numerasset, infinitorumque Daciam possidere conantium, cæpta frustrata esset tandem nostri quoque Chodkieuicij morte, ac Turcici Imperatoris, Scythicique Chani aduentu, nobilitata extitit. Ast ô Carole Chodkieuici, charissime Litchuanix tuæ fili, si iis te virtutum insignibus non honestasset Deus, ut & propter generis claritatem, qua splendebas, & fortitudinem, qua bella gesseras, & prudentiam, qua pacis negocia negotabas, & iustitiam, quâ tibi Liuones tuos atque Lithuanos obstrinxeras, tamen hoc unico tuæ in Patriam propensionis, testimonio, quod senio & morbo confectus, longissimam à domo tua expeditionem susceperis, & cum tam potenti Tyranno longe inferioribus copiis decertare ausus fueris, & quod proximum Fato cum te cerneret, in castris & Patriæ defensione potius, quam in Patria & pace mori malueris; ea gloria floreres, quam nulla temporis circumscriptio metiatur, & ea virtutis fama vigeres, quam ipsa immortalitas excipiet, seu potius, quæ ipsam immortalitatem exhauriet. Et quidem ô

10
dem ô Poloni mei, stetisset profectò adhuc nostra Troia, si non cecidisset noster Priamus, id est; non eneruatum esset tam citò robur exercitus nostri, si Carolus non mortuus fuisset nobis; non fuisset passus tantam nuperrimam, vastationem Patriæ, si eius consiliis administratum fuisset, vniuersum bellum: nec tam facile non satis tuta pace Otthomanica irretiri potuissent Principes nostri, si ille non abiisset tam cito à nobis. Sed cecidit nobis Carolus heu sortem nostram peracerbam, cecidit ille, per quem stetit Liuonibus iustitia, Lithuanis decor, Polonis nitor, cunctisque septemtrionalibus ornamentum: & quem cuncti ereptum, ingentibus lachrymis non minus quam parentem defleuimus animoque ut oues consternati pastorem amissum plorauimus; & singuli nobiles sordidati suum ductorem & Palatinum, Liuones in squallore iacentes, suum Governatorem, plebeij lachrymis perfusi suum patronum & tutorem, stipendiarij luctu squallentes suum Imperatorem omnes denique ex omnibus Regni Poloniae Dynastys ad hoc sacrum bellum congregati, suum Dictatorem extinctum his, aut non dissimilibus vocibus prosequébatur, Carole Princeps, quid nos deferis in medio hostiū relictos? quid non de defendendis nobis atque Patria tua cogitas? quid non propulsa impugnantem

gnantem Musulmanū? quid non occidis insultan-
tem Scytham? quid iaces? quid non cogitas quo
pacto nos de faucibus huius cruentæ bellæ ere-
ptos incolumes reducas ad proprios penates? en
Turca naturæ suæ immanitate efferatus, & insito
quodam Christiani nominis sed nescio an non ma-
gis inelyti Polonici seminis odio inflāmatuſ, iam
insanire, furere, agros depopulari, templadepeculari
incipiet? En Scythia crudelis phalangibus suis emis-
sis, liberos nostros, parentes, fratres, sorores, in eter-
nā seruitutē rapiet & abducat? Sed quid hoc? etiā
lues illa pestifera ex orco comitata, nimirum per-
duelles Suedi sui regni proferendi incredibili desi-
derio flagrant, & victorię per te toties ab illis re-
portatæ vindictam acerrimē imminere incipient?
Iamq; & Moschi de tuo obitu certiores facti, foedus
nuper sancitum ex templo dirumpent? & Cernie-
chouientes Seueriensesq; Rusi per te impositū iu-
gum protinus excutient? Quid nosmetipsi; te pro-
culdubio moderatore amisso, nullo facinore forti
edito, inglorii domum abibimus, & tumultuabi-
mus; Egregiam verò laudem! Quid igitur non pro-
uides? quid non perpendis talia? cur non misere-
reris nostri, qui totam victorię spem, in te, post De-
um, solo repositam habuimus, & per te inclaresce-
re si votis fortuna fauisset, voluimus. Ehem quomo-
do nunc

donunc frustrati sumus? Abite, inquit, abite, &
Deo hæc disponenti committite, atque tempori
iam cedite, eternum illud Numen potens valensq;
est meliora de vobis: me autem alia in Fata prope-
rantem, purum à corruptibilibus hisce atq; quie-
tum, rogo abire finite, atq; simul cum Serenissimo
Rege vestro, Patria vniuersa, fratre meo charissimo
dulcissima coniuge, cumq; omnibus amicis &
consanguineis meis, eternum valete. Sed vale &
tu quoq; Carole charissime, atq; vltimum à nobis
salue, qui vt salue esset nobis, toties te presentissi-
mis periculis immeristi: salue, qui salutis nostrę si-
gnum Crucem Domini à blasphemis & ignominia
infidelium vindicaturus, tuæ salutis dispendium, in
glorioso opere hoc feliciter subiisti. Vale qui vale-
tudine propria postposita, ad extremum vsq; spiri-
tum, nostram valetudinem & salutem procurasti, &
iam iam in limine Fati positus, generale consilium
de conseruando exercitu, propulsandisq; hostibus
vltimum celebrasti, nec iam quiens amplius loqui,
aut loquentes audire, hanc extremam vocem, te-
stem tui in nos, & patriam, amoris, cum gemitu e-
didisti. *Consulite ipsi de vobis, quia ego iam amplius
non possum.* Quasi dicere voluisses, antea, mea soli-
us cura fuit de vobis, nunc iam singuli de vobismet
curate, quia ego ad illa perennia & quietia iam è tur-

bis hisce vestris & tumultibus euocatus. Vos amplius non visurus abeo. Atq; ita abiit, postridie eius diei quo concionem illam celebrauit, & humane felicitatis satur, ad cælestem illam atq; eternam FELIX & BEATVS euolauit. Nam quomodo eum felicem non dicam aut beatum, qui omnia ea quæ apud nos summa & votiua sunt, supra vota etiam habere visus est, & iis quæ ad beatitudinem assequendam spectant, tota vita religiose actis, honoribus insuper, diuitiis, ac fama bona ita abundauit, vt si adhuc diutius nobiscum fuisset, credo felicior fore nequaquam iam exoptasset. Et si Themistoclis sententiam examinabimus, qui felicitatem humanam in natalium splendore ponebat, virum iniqui insignobili stirpe ortum, non videri esse obligatum, vt virtute & fama clarus nitatur euadere; nam virtutes & res gestæ Maiorum, stimuli sunt, quibus ad res magnas excitantur posterī. En Carolus noster primaria è nobilitate, imò summis è summatibus Lithuanie, vt supra diximus, & exteris etiam non suatibus modo notum est, Samogitie Dynastis prognatus, hac in parte felicissimus erat. Si Simonidem sequemur, qui felicitatem in eo posuit, si quis gratia apud ciues valeat (quæ enim potest esse iucunditas vitæ sublatiis amicitiiis) Carolum nostrum felicissimum dicemus, quia præter ciues suos, qu

os, qui eum supra solitum & legem tantis honoribus in summum vsque euexerant, vt maioribus in Polonia titulis, præter Regiam dignitatem, nemo vsquam ornatus fuisse legatur, hoc est qui Polonicis simul & Magni Ducatus Lithuanie exercitibus præsit. Qui quidem in tantum etiam externorum Principum gratia pollebat, vt virtutes illius admirati, Herculem eum Lithuanicum dixerint, inscripserintq; viri docti, viuente adhuc in Acta Æternitatis. Si verò Euripidem audiemus, qui in coniuge venusta felicitatem esse putauit: Carolum nostrum & hinc quoq; felicem reperiemus, qui hinc nuptiis peractis, non amicitias modò cum familiaris præstantioribus feliciter contraxerat, sed clientelas & diuitias etiam ingentes comparaauerat. Primamq; coniugem Nicolai Melecij, exercituum Regni Polonie Generalis filiam, letissimam faminam in matrimonium acceperat. Alteram Alexandri Palatini Wolchinie, Ducis in Ostrog & Iaroslav, filiam hæredem, virginem prudentem & venustam, uxorem sibi duxerat: & quod ad felicitatem maximùm censeas, ad pietatem & virtutem vtramq; pariter instructam. Verissime enim, qui coniugem & virtute & forma præstantem nactus est, nihil habet amplius, quod in vita desideret. Quod si verò Sophoclis sententiam

amplectamur, qui in prole generosa felicitatem humanam ponebat, miseriam eius qui liberis caret omnes ærumnas longè superare affirmans. Summa enim felicitas est honore & opibus in hac vita affluere, & postquam satis illis usus sis, filios hæredes relinquere. Non ex sortem hac quoq; sorte Carolus nostrum fuisse videmus, qui binis è Melecia liberis susceptis, fructus matrimonij satis se percepisse putauit, Et cum Hieronymus gnatus factorum sæuitia quindecennalis adhuc ereptus sibi esset, è secundis nuptiis heredem virtutum & possessionum relinquere maximopere exoptabat, superstiti licet filia Illustris. Sapiehæ Aulæ Magni Ducatus Lithuanie Marschalco in matrimonium elocata; & quæ nunc tanto progenitore orbata, acerbissimè deflet, solam se Carolinam progeniem superesse. Sin verò Chrisippum audiemus, qui in extruendis splendidis edificiis, haud firmo ductus argumento, humanam felicitatem ponebat; hominum affirmans nullum relinquentium sui monumentum, vitam mortemq; nihil à bestiarum vita aut morte differre, clara verò & splendida ædificia, nihil esse quam immortales animorum nobilium præcones, uti & Cæsares Romanorum nonnemo, qui herba parietaria fuit appellatus, existimauit. Nec tamen abs re fanè, quatenus enim nobis, denegatum diu
viuere

13
viuere, relinquamus aliquid, quo nos vixisse testemur. Quod itidem & Carolus nostrum animo suo impressisse, testantur tum sacra tum profana ædificia splendide à se extracta: illa, in monasteriis, Fratrum Min. de Observantia Cretinge. Fratrum Canoniorum Regularium Bychouie, Patrumq; Societatis Iesu in Samogitia: ista, in reformatione arcis Bychouiensis, in munitione arcis Lachouiciensis, in instauratione parietinarum Sklouiensium, Derpatensium, Myssæ & aliarum. Sed videamus, quid etiam de felicitate sentiat ex antiquis illis Architis, is enim summam beatitudinem in eo ponebat, si quis prælio victor euaderet, quod eius sit victis leges dare, optima spoliolum colligere, & quod animis generosis eternitatisq; genium habentibus exoptatissimum, esse in oculis omnium, in oculis posteritatis. Pulchrè, & ad mentem fortium virorum, qui hoc ipsum intendunt, cum pericula subeunt grauisima, ut posteri, & qui nondum nati sunt, cum nascentur, bene de nobis loquantur. Prout loquemur & nos de Carolo nostro Chodkieuicio tot victorijs, tot triumphis ornato, loqueturq; subsequens ætas, atque ipsa æternitas, opera illius & labores mirata; maxime quod nulli licet perpetua aut diuturna fortuna fuerit, illi se tamen semper obsequentem, semperq; benigna
D 3
exhi-

exhibuerit, & cum se aliam in alijs præbuerit illi, in
victoriis nihilominus obtinendis, constantissimam
ad tumulum vsque, vt iure non Syracusano modo
illi Regi Fortunæ ipsius alumno appellato, audeas
eum comparare, sed Carolis etiam ipsis, felicibus
illis & triumphatoribus inclytis Magno atq; Quin-
to appelatis, in tā exigua sorte, cum tam ingenti for-
tuna adnumerare, Quod si denique Antisthenē au-
diamus, qui in fama etiam post mortem superstite
felicitem statuit. Magnam eam & perfectam vi-
dimus Carolo nostro dum viueret fuisse, & talem fa-
ne, vt etiam ad hostium aures deueniret, qui que-
rebant ex captiuis nostris clade superiore acquisi-
tis, num adhuc frueretur aura, & num vegetus ani-
mo esset. Longeq; adhuc maior illa erit, cum iā
ille ipse defuit esse, quia nunc primū à morte cu-
iusque incipit esse, & cum æuo ipso augetur atque
crescit. Hincque illud est, quod parui viro cordato
æstimanda mors sit, si superstitem reliquerit virtutū
ac rerum gestarum famam, quod illa multas homi-
num ætates superet, & non in vno aliquo loco per-
maneant, sed totius orbis angulos adimpleat. Verū
enimuerō, si quem inter fortunæ turbines esse in
hoc mundo felicem audemus dicere, solus ille no-
bis talis erit, qui probitate, constantia, ac pietate or-
natus fuerit : nam sola hæc tantum perfectū ho-
minem

14
minē faciunt, feceruntq; nostra ætate Carolū Chod-
kieuicium talem, virum ab aureo æuo, & prisca vir-
tute, ob quam singuli cum mirabamur tantum, co-
luimus & suspiciebamus: & cui, vt ostendimus o-
ratione, dum esset o Poloni mei vobiscum, per o-
mnia FELICI & BEATO ad æternam illam Beati-
tudinem & Felicitatem, nil amplius deesse videtur,
nisi vt GRATI laborum ipsius, apprecemini
abeunti à vobis REQUIEM

SEMPITERNAM.

DIXI



EPITAPHIVM.

D. O. M.

PIISQVE MANIBVS
MAGNANIMI HEROIS.

D. IO. CAROLI CHODKIEVICI, PALA-
TINI VILNENSIS, COMITIS IN SZKLOW,
MYSZA, & BYCHOW! DERPATENSIS,
VELONEN. LVBOSANEN. &c. &c. CAPI-
TANEL. SUPREMI MAGNI DVCATVS LI-
THWANIE, & AD BELLVM TVRCICVM,
ETIAM REGNI POLONIE EXERCITVVM
GENERALIS, NEC NON TERRÆ LIVONIE
GVBERNATORIS: VIRI PIETATE IN DE-
VM, AMORE IN PATRIAM, OBSEQVIO IN
AMICOS, & LIBERALITATE IN OMNES
HVMANITATEQ. EXIMII. PACE & BEL-
LO CLARISSIMI. ET QVEM SOLVM OB
CONSERVATAM AD SEVERIORIS DI-
SCIPLINÆ CALCVLVM CASTRENSEM
FORMAM

FORMAM. DEVICTVM TOTIES HÆRE-
TICVM SVEDVM. CPPRESSVM SCHISMA-
TICVM MOSCHVM. TERRITVM IMPV-
RYM SCYTHAM. REPVLSVMQ. IMMANEM
TVRCAM, & OMNI DENIQVE METV
LIBERATAM PATRIAM, IVRE FELICIBVS
ILLIS CAROLIS, MAGNO ATQ. QVINTO
AD NVMERES. FELICIO RĒ VEL AO IP SO
QVOD IN CASTRIS & LAEORIBVS PRO
REPVB. CHRISTIANA VITAM POSVE-
RIT. ID EST, RELIGIONI DONAVERIT.
TV QVI LEGIS APPRECERE QVIETEM
DEFVNCTO, ATQ. SIMVL DISCE, QVO-
MODO VANVM SIT CONFIDERE IN PRIN-
CIPIBVS & FILIIS HOMINVM.



In Sarcophagum.

Bellator fortis, iacet hac sub mole CAROLVS
CHODKIEWICZ, Duxer Militiæ armipotens.
Quem Dacus extimuit crudus Mauorte, Getbesq;
Qui Moschos cecidit, vastaq; regna tulit.
Eripuit dextra firmatus ab hoste LIVONES
Sacrilego, turmas pressit Othomanicas.
Exanimis iacet heu Fatus sublatu iniquis!
Quem Turca baud poterat sternere, Parca necat.

M. MATTH. BVCZKOWSKI.

Aliud

Tela Sudermani qui sæpius irrita feci,
Moschos ferre iugum, vertere terga Scythas.
Qui non extimui Turcarum Cæsaris iram
Victus ab infesta morte repente cado.

M. Nicolai Zorawski.



Ms. Th. 5

